

Broj: 01-1737-2/25
Datum: 25.02.2025. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI/ZASTUPNIČKI DOM
Predsjedavajući/Predsjedatelj
Ul. Hamdije Kreševljakovića br. 3,
71 000 Sarajevo**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 27-02-2025			
Org. jed.	Broj	Priloga	Vrijednost
05/1	-02-	86	125.

Predmet: Odgovor na zastupnička pitanja zastupnika Kajan Sanela

Na pitanja zastupnika Kajan Sanela postavljena na sjednici Predstavničkog doma Parlamenta Federacije BiH koja su glasila:

1. Da li je tačna informacija da su Autoceste Federacije BiH angažovale kompaniju da dislocira nekropolu stećaka s originalne lokacije Orah, Blagaj, Mostar i da li su u tome učestvovali, kao stručna podrška, Federalni zavod za zaštitu spomenika i katedra za arheologiju Sveučilišta u Mostaru?!

Ako je tačna informacija o izmještanju nekropole stećaka, tražim da mi odgovorite na pitanja:

2. Kako su Autoceste Federacije BiH (direktor Denis Lasić) mogle dati nalog za dislokaciju nekropole, ako sudski proces za trasu nije završen i donijeta konačna sudska odluka?
3. Na koju lokaciju je planirano premjestiti stećke?
4. Kako je Federalni zavod (direktor Robert Stergar) nadzirao cijeli proces bez sudske odluke o trasi? Kako je došlo do lomljenja stećaka? Zašto nije upoznata javnost sa cijelim slučajem i kako je izabrana nova lokacija?!
5. Da li je katedra za arheologiju Sveučilišta u Mostaru (pročelnik dr Tino Tomas) izvršila stručnu pripremu i iskop zemnih ostataka i artefakata? Gdje su smješteni i jesu li zaštićena i konzervirana arheološka iskopavanja?

dajemo sljedeće odgovore:

1. Na osnovu Odluke Vlade Federacije Bosne i Hercegovine V. broj: 878/2020 od 25.06.2020. godine o preventivnom arheološkom istraživanju i zaštiti arheoloških lokaliteta na trasi autoputa Koridor Vc, autocesta koje se ne nalaze na trasi Koridora Vc i brzih cesta, JP Autoceste FBiH d.o.o. Mostar kao implementator projekta izgradnje autocesta i brzih cesta u saradnji sa Federalnim ministarstvom kulture i sporta i Zavodom za zaštitu spomenika koji je u sastavu ovog ministarstva, provodi u redovnoj proceduri preventivna arheološka istraživanja na svakoj dionici (poddionici) autoceste i brze ceste. U konkretnom slučaju, na dionici autoceste Mostar Jug – Tunel Kvanj su tokom oktobra i novembra 2022. godine obavljena preventivna arheološka istraživanja. U toku tih istraživanja, utvrđeno je između ostalog da se na trasi autoceste na ovoj dionici nalazi nekropola sa stećcima u naselju Suho Polje, Grad Mostar. Riječ je o grupi od 3 stećka (2 sljemenjaka sa postoljem i 1 sanduk sa postoljem) koji se nalaze na blagoj uzvisini. S obzirom da se predmetna nekropola morala izmjestiti sa planirane trase, JP Autoceste FBiH je potpisalo ugovor sa Federalnim ministarstvom kulture i sporta o zaštitnom arheološkom istraživanju na dionici Mostar Jug – tunel Kvanj (broj ugovora JPAC: 02-8979-4/22 od 19.04.2023. godine i broj ugovora FMKiS:



06-11-10-2135/23 od 04.04.2023. godine). Nakon toga, ovo ministarstvo provodi javni poziv i zaključuje ugovor sa firmom „GeoAVAS“ d.o.o. Sarajevo za izvođenje radova zaštitnih arheoloških istraživanja na dionici Mostar Jug – tunel Kvanj (broj ugovora FMKiS: 06-11-11-2939-5/24 od 23.07.2024. godine i broj ugovora GeoAVAS: 44-U/24 od 01.08.2024. godine).

2. Ne znamo na koji sudski proces za trasu mislite. Za dionicu autoceste Mostar jug - Tunel Kvanj je još u februaru 2021. godine izdata okolinska dozvola. Predmetna dozvola je osporavana tužbom pred Kantonalnim sudom u Sarajevu. Presudom Kantonalnog suda u Sarajevu broj: 09 0 U 038582 21 U od 10. novembra 2021. godine, tužba je odbijena te pravomoćno okončan sudski postupak, tj. rješenje o okolinskoj dozvoli je postalo pravosnažno 18.11.2021. godine. Protiv presude Kantonalnog suda u Sarajevu, broj: 09 0 U 038582 21 U od 10. novembra 2021. godine, podnesena je apelacija Ustavnom sudu Bosne i Hercegovine. Iako je postupak po apelaciji još u toku, rješenje o okolinskoj dozvoli je postalo pravosnažno 18.11.2021. godine.
3. S obzirom da JP Autoceste FBiH nisu potpisale ugovor sa izvođačem radova na zaštitnim arheološkim istraživanjima, već je postupak javne nabavke za te radove provelo Federalno ministarstvo kulture i sporta koje je zaključilo ugovor sa izvođačem radova firmom „GeoAVAS“ d.o.o. Sarajevo, zatražili smo informaciju od ovog ministarstva, konkretno od Zavoda za zaštitu spomenika. Prema podacima koje smo dobili od Zavoda, u toku predmetih radova izmještena je i nekropola sa stećcima sa lokaliteta Suho Polje na drugu lokaciju na lokalitet označen kao k.č. broj 1606/1 K.O. Malo polje, Grad Mostar, koji se nalazi cca 760 metara jugoistočno od sekundarne pozicije.
4. Federalno ministarstvo kulture i sporta je zaključilo ugovor sa firmom „GeoAVAS“ d.o.o. Sarajevo za izvođenje radova zaštitnih arheoloških istraživanja na dionici Mostar Jug – tunel Kvanj, a na osnovu ranije potpisanog ugovora između JP Autoceste FBiH i Federalnog ministarstva kultura i sporta. Na osnovu navedenog, procedura oko predmetnog pitanja je ispoštovana. Odgovor za „sudski proces“ je dat u odgovoru na pitanje broj 2. O obavljenim zaštitnim arheološkim istraživanjima izvođač radova je dostavio elaborat navedenom ministarstvu, odnosno Zavodu za zaštitu spomenika. U oktobru 2022. godine počinju preventivna arheološka istraživanja kojim je izvršen pregled (rekognosciranje) terena, arheološka prospekcija i preliminarni radovi koji prethode zaštitnim arheološkim istraživanjima probnim sondama i geofizičkim metodama. Dostavljeni Elaborat o preventivnom arheološkom istraživanju, u svojim zaključcima, nalaže zaštitna istraživanja za tumule ugrožene izgradnjom kao i izmještanje tri stećka za koje je utvrđeno da se već nalaze na sekundarnoj lokaciji sa vidljivim oštećenjima. U novembru 2024. godine započeta su zaštitna arheološka istraživanja na poddionici Mostar jug – Tunel Kvanj, dionica Mostar jug – Buna na Koridoru Vc. Prema informacijama koje smo dobili od Zavoda, tom prilikom izvršena su istraživanja na 20 tumula, 10 direktno ugroženih trasom i 10 koji su potencijalno ugroženi građevinskim radovima. Elaboratom je obuhvaćeno i dislociranje predmetnih stećaka na tercijarnu lokaciju. U konsultacijama Zavoda sa mjesnom zajednicom, izabrana je lokacija na k.č. 1606/1 KO Malo Polje, na parcelu koja nije u privatnom vlasništvu, 760 metara jugoistočno od sekundarne pozicije, poviše puta, na prostoru iste mjesne zajednice i dugoročno su osigurani od fizičke devastacije. Obzirom da su saznanja o sekundarnoj lokaciji dobivene usmenom predajom, izvršeno je sondiranje lokaliteta nakon izmještanja te je potvrđeno da je ispod stećaka arheološki sterilan materijal. Dislociranje je izvršeno pod nadzorom stručnih lica a oštećenja koja se spominju nastala su prilikom dislociranja na



sekundarnu poziciju i evidentirana su u Elaboratu o preventivnim istražnim radovima iz 2022. godine.

5. S obzirom da još nismo od Ministarstva / Zavoda dobili elaborat o izvršenim zaštitnim arheološkim istraživanjima na predmetnoj trasi, nemamo informaciju koja su tačno stručna lica bila uključena u predmetna istraživanja i koja su stručna lica obavljala pojedine poslove i radove. Ono što znamo je da je Federalno ministarstvo kulture i sporta zaključilo ugovor sa firmom „GeoAVAS“ d.o.o. Sarajevo za izvođenje predmetnih radova. Pretpostavljamo da su u predmetnom elaboratu navedeni podaci o načinu stručne pripreme, metodologije iskopavanja, uzimanja uzoraka, izmještanje artefakata, način konzervacije i zaštite kao i lokacije na koje se isti pohranjuju.

S poštovanjem,



Dostaviti:

- Naslovu na adresu
- Vlada Federacije BiH, Ul. Hamdije Čemerlića 2, Sarajevo
- Federalno ministarstvo prometa i komunikacija, ul. Tvrtka Miloša bb, 88000 Mostar
- a/a



Identifikacijski broj 4227691540005 PDV broj 227691540005
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 1610200062470038
Federalna taksa za korištenje autoceste: 1610200062470232 | 3386902296565422
Naknada za korištenje cestovnog zemljišta: 1610200062470135 | 3386902296564549
Registровано u Općinskom sudu u Mostaru, MBS 58-01-0179-10